



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Fulvii Androtii Societ: Iesv Theologi Opuscula spiritualia**

**Androzzi, Fulvio**

**Coloniae, 1611**

Meditationes in Symbolu[m] Apostolicu[m].

[urn:nbn:de:hbz:466:1-48641](https://nbn-resolving.org/urn:nbn:de:hbz:466:1-48641)



pius frequentare, vt ipſemet ſibi in nobis, & per nos eas reddat gratias, quas nos reddere deberemus.

MEDITATIONES  
IN SYMBOLVM APOSTOLICVM ACCOMMODATÆ  
Communicantibus.

1. Credo in Deum Patrem omnipotentem.

Si ille omnipotens, ergò poteſt; ſi eſt Deus, ergò nouit; ſi eſt Pater, ergò vult iuuare nos in omni neceſſitate, conſolari in omni tribulatione, & omnia peccata noſtra condonare, ſemper nos tenere amplexando, & ſuo corpore & ſanguine paſcendo, quemadmodum fecit filio prodigo, cùm rediret ad Patrē bonum, Patrē dulcem, Patrē amabilem.

2. Creatorem Coeli et terræ.

Quare creauit cælum & terram, niſi pro me? Et quando creauit pro me? cùm nondum natus eſſem, cùm nihil eſſem. Per quid creauit? Per infinitum ſuum amorem, & vt eo ſemper fruere in cælo. Si igitur tam dulcem mei memoriam habuit antequam eſſem, nunc ne mei obliuiſceretur? Amauit me antequam eſſem.



COMMUNIONE. 17

sem, sciens qualis essem futurus, & iam postquā creauit me, odio me prosequetur? Estne hæc Dei natura?

3. **ET IN IESVM CHRISTVM**  
*filium eius unicum Dominum nostrum.*

*Iesus, idem est, quod Saluator, quia ille nos saluauit. Quem? me. cum tamen sciret qualis essem futurus, ingratus, peruersus, rebellis, nequam. A quo? à morte, dæmone, inferno & peccato. Per quid? per solam suam bonitatem, solam pietatem, solum amorē. Quando? cum nondum essem natus. Quomodo? Sanguine copioso, dolore intenso, & morte crudeli. Quomodo ergo non sperabo à hunc unicum Dominum, qui pro me seruo indignissimo saluando tanta fecit?*

4. **QUI CONCEPTVS EST**  
*de spiritu sancto.*

Propter me & meam salutem descendit de cælo, vbi ministrabant ei Angeli & Archangeli cum tota cælesti curia, & pro me voluit incarnari & nouem mē-sibus in utero B. Virginis quasi incarcerari.

5. **NATVS EX MARIA**  
*virgine.*

Propter me & meam salutem, natus est in Bethlehem. Et quo in loco? In stabulo.



bulo. Quo tempore? in hyeme, & reclinat<sup>us</sup> fuit in præsepio. Vbi opus habuit fœno, & anhelitu animalium, per quem omnia facta s<sup>unt</sup>. Ioan. 1.

6. *PASSVS SVB PONTIO PILATO.*

Quis? filius Dei. Quomodo? flagella innumerabilia, contumelias inauditas, dolores incredibiles Pro quibus? pro me, quia sciebat, quàm ingratus essem futurus. A quibus? Ab hominibus vilissimis & crudelissimis. Quare? Pro mea Salute.

7. *CRUCIFIXVS.*

Pro me est crucifixus. Quis? Filius DEI. Cum quibus? in medio duorum latronum. Vbi? In monte Caluarie, infami & foedo. Quo tempore? cum totus mundus iret Hierosolimam. Quo modo? Nudus omnium ludibrijs expositus. O spectaculum verè miserabile!

8. *MORTVVS.*

Mortuus est pro siti, vt nos inebriaret suo sanguine. Perdidit vitam suam, vt nobis daret vitam, is qui omnibus dat vitam, ô anima! quid cogitas? quid dicis? quid respondes ad hæc?

9. *ET SEPVLTVS.*

Propter me voluit corpus suum fieri cadaver. O res stupenda! Et quadraginta horis permanere in sepulchro, ô rem dictu mirabilem!

10. *DE-*



COMMUNIONE. 19

10. DESCENDIT AD INFEROS.

propter me, meamque salutem descendit ad infernum, ut me liberaret ex illo.

O quoties iuissem ad infernum, si ille non me retinisset, o quoties sua potentia manu me extraxit ex eo?

11. TERTIA DIE RESURREXIT à mortuis.

Propter me, meamque salutem tertio die resuscitatus est à morte, agendo cum suis paucis fidelibus amicis, consolando eos, comedendo cum illis, ostendendo illis sacrum suum corpus, nulla habita ratione præteritæ offensæ, denique omnibus modis solando & confortando illos, cum tamen eorum opera non egeret.

12. ASCENDIT AD COELOS.

Propter me meamque salutem, ascendit in celum, accepturus pro me possessionem paradisi, ubi me exspectat cum incredibili desiderio, cum tota cœlesti curia: ut sine timore in æternum frui possim Sanctis. Trinitate conuersari cum beatissimis nobilissimisque spiritibus, & temper abundare gaudio, pace, & iubilo. Atque hac de causa fecit nos, & in Sanctissimo Sacramento præsens adesse voluit nobis miseris creaturis.

13. SEDET AD DEXTERAM

Dei Patris.

PIO



20 DE FREQUENT.

Propter nos & nostram salutem sedet ad dexteram Patris, habendo continuam nostri memoriam. Memoria dulcis, memoria sancta, memoria salutifera, semper interpellans pro nobis continenter apud Patrem. Quid verò impetrat? pacem, reconciliationem, & peccatorum remissionem. Pro nobis continuè suas cicatrices ostendit æterno Patri, eique offert, sanguinē, vitam, & mortem suam. Mater verò pro nobis monstrat filio suo pectus, quo cum lactavit; filius monstrat Patri vulnera, eorumque cicatrices. Quid filius potest negare matri, & Pater filio?

14. INDE VENTURVS EST

*indicare viuos & mortuos.*

Propter nos & gloriam nostram, veniet gloriosus in die iudicij, vt laudet nos in præsentia totius mundi, & in summa gloria eucat nos gloriosos in cæleste regnum; vt exaltet eos, qui hic fuerunt humiliati, vt glorificet, qui hic contempserunt propriam gloriam.

15 Credo in Spiritum

*sanctum.*

Propter nos & nostram salutem misit Spiritum Sanctum, spiritum amoris, spiritum pacis, spiritum pietatis, suauitatis & omnis consolationis, vt semper  
cum



COMMVNIONE. 21

cuna amaremus, semper lætaremur,  
semper cum eo vniti essemus suauissi-  
mo amoris vinculo, & essemus sancti,  
& sicut sancti Patris filij. Pleni etiã Spi-  
ritu sancto, semper sancte viueremus. ac  
deniq; in celo in omnium angelorũ so-  
cietate cantare possemus, S A N C T V S,  
S A N C T V S, S A N C T V S. Apoc. 4.

16. S A N C T A M E C C L E S I A M  
*Catholicam.*

Propter nos, & quisque dicere potest  
propter me & meam salutem, fecit San-  
ctam Ecclesiam Catholicã, quæ vt ma-  
ter me dulcissimo lacte verbi Dei abla-  
ctaret, & sanctis. Sacramentis pasceret,  
& nunc in hac re, nunc in illa, nunc hoc  
modo, nunc alio me excitaret ad am-  
andum, laudandum, sibi que seruiendum,  
vt tandem cum eo regnare possem.

17. S A N C T O R V M C O M M V -  
*nionem.*

Propter me permisit sanctos fatigari,  
mortificari, & affligi, vt me meritorum  
eorum faceret participem, eaq; vt mea  
propria semper æterno Patri offerre  
possem, de que solum merita Sanctorũ,  
verum etiam vt merita sancti Sanctorũ,  
velut hæreditatem meam & patrimo-  
nium meum, & rem meam propriam  
offerrem eidem æterno Patri.



## 18. REMISSIONEM PECCATORVM.

Propter me, inter alia, instituit Sacramentum Pœnitentiæ, vt semper habeam modum purgandi me ab omnibus peccatis, & in gratia eius perseuerandi. Et propter hoc ille natus est, vixit, mortuus est & sepultus, descendit ad inferos, resurrexit & in cælum ascendit.

## 19. CARNIS RESURRECTIONEM.

Propter me meamque gloriam & consolationem, resuscitabit carnem meam, vt sicut cum ea seruiui Deo, sic cum eadem semper perfruar in cœlo. O fœlicem illum, qui in hoc mundo carnem suam castigat! vt possit semper regnare in cœlo!

## 20. VITAM ÆTERNAM AMEN.

Propter me fecit vitam æternam. Propter eandem & me creauit, me redemit, me vocauit, me iustificauit, & magnificauit, vt simul cum eo gaudeam in Regno ipsius, in Regno pacis æternæ, gaudij æterni, & quietis æternæ, ac simul cum illis beatissimis spiritibus laudem in cœlo, diuinam suam maiestatem in sæcula sæculorum Amen

Sic fiat.

MEDI-